

# **ISLAM DAN DUNIA HARI INI**

Sudah tiga belas kurun lamanya semenjak Islam mula muncul ke dunia untuk membawa cahaya petunjuk dan kebahagian hidup untuk manusia. Banyak pula jasanya terhadap dunia dan kemanusiaan, maupun di dalam perkara pertunjukkan batin ataupun di dalam peraturan hidup untuk mencapai kebahagian yang sebenar. Tiada sesiapapun yang berpendirian bersih dan berakal siuman dan dapat mengingkari hakikat yang terang ini.

Tetapi mengagungkan barang yang telah berlalu itu tidak cukup. Kita mesti melihat hakikat yang ada sekarang yang mana tiada dapat kita kecilkkan maknanya.

(oleh Zulkifli Muhammad)

Walaupun dalam pemandangan mata yang kasar terang benar bahawa perkara Islam telah dipandang kecil, kita patut menyedari bahawa sebab yang utamanya bukanlah timbulan dari agama Islam yang suci itu. Lebih jauh lagi kita jangan tersasul tatkala menentukan Islam dan jangan keliru dalam erti kata Islam dan “orang Islam”. Islam berdiri dengan sendirinya dan tidak bergantung pada pengikut-pengikutnya baik buruk kepada orang Islam ada berlainan dengan Islam sendiri. Pengikut-pengikut agama Islamlah yang mesti mengajar Islam, bukan Islam hanyut mendapatkan pengikut-pengikutnya. Sesungguhnya ini adalah satu perkara yang halus yang patut kita fahamkan dengan teliti.

Sungguhpun keadaan “orang Islam” hari ini banyak yang tiada memuaskan, kita dalam tulisan ini tiada akan terpengaruh dengan hakikat itu sebab yang akan menjadi soal ialah Islam sendiri sebagai satu agama, cara hidup dan panduan kepada alam seluruhnya. Islam dengan erti yang demikian itulah yang menjadi perkara.

Jika kita kelilingkan pemandangan kita hari ini maka kita dapati dengan jelas bahawa segala fikiran-fikiran yang seribu

satu macam yang bermaharajalela di dunia ini telah kecewa dalam memandang dunia menuju keselamatan dan kebahagiaan yang menjadi idaman tiap-tiap seorang penduduk dunia ini. Berputar-putar ke kiri ke kanan, memblok berkelok-kelok ahli fikiran dan falsafah untuk sampai ke matlamat akhir mereka, tetapi, kasihan!! Daya upaya itu buntu dan hampa. Kalau itu sahaja natijahnya ringan jua sedikit tetapi lebih jauh natijah yang tak diingini yang datang. Renunglah penderitaan dunia hari ini dan dari keadaan itu kita merasa gerun dan risau. Betapa tidak – bukankah kita menuju hancur lebur yang rosak binasa yang tentu??! Dengan tangan kita sendiri dan di atas landasan perjalanan kaki kita sendiri kita akan sampai ke curam yang hari-hari kita perkatakan bahawa kita hendak menjauhinya.

Demikianlah salahnya dalam aliran-aliran fikiran manusia yang memegang teraju dunia selama ini dan apakah sebabnya jadi begitu tak dapatlah diuraikan dalam tulisan yang ringkas seperti ini. Cuma kita akan melihat di mana letaknya “Islam” pada percaturan yang menghairankan ini.

Dua kumpulan manusia terdiri dalam hal ini: Orang Islam dan orang yang bukan Islam. Bagi orang-orang Islam

nyata banyak yang terburu mengejar fikiran-fikiran baharu yang terbit di Barat pada kurun yang akhir ini dengan kepercayaan bahawa fikiran falsafah dan cara-cara hidup yang haru itu dapat membawa kebahagiaan yang dituju mereka. Walaupun ada sedikit faedah yang mereka dapati dari segala-galanya itu tetapi banyak pula kerugian yang menimpa mereka. Yang lebih ruginya mereka telah banyak mencicirkan barang yang mereka kendong daripada ajaran-ajaran Islam yang belum pun diperiksa dan dicubai mereka dengan sungguh dan benar untuk mencapai tujuan mereka itu. Hanya pada akhir ini nampaknya mereka telah sedar semula dan “sesat di hujung jalan kembali ke pangkal jalan!” Kerajaan Mesir, Turki dan Pakistan di akhir-akhir ini banyak membuktikan kesedaran yang seperti itu. Walaupun masih ada golongan umat Islam yang belum puas berpenghulukan orang Barat dalam fikiran dan falsafah hidupnya oleh sebab masih hijau pengalamannya dalam hal itu kita boleh mengagak tidak lama masanya kesedaran

seluruh dunia Islam akan timbul dan semuanya kelak kembali ke pangkal jalan semula untunk menjalani jalan yang dipusakai mereka sejak berkuron-kurun. Moga-moga masa yang kita tunggu itu tidak lama lagi!

Golongan yang tidak Islam pula soal ini menggelikan. Sesudah mereka lemah dalam memandu hidup mereka untuk mencari bahagia berapa lama mereka telah mula berpaling memusing balik ke arah ajaran-ajaran Islam yang dahulunya mereka pandang sebagai satu batu pembantut dalam kemajuan manusia dan keselamatan dunia. Tidaklah dimaksudkan bahawa mereka terang-terang menurut garisan-garisan hidup yang dilukiskan Islam sebab perkara yang seperti itu mustahil diakui mereka yang memusuhi Islam semenjak beberapa lama. Hukum kita berani menyatakan bahawa al-Baran menuju ke situ nyata sekali di kalangan orang-orang Eropah pada masa yang akhir ini. Mereka tak boleh berkata bahwa mereka yang mendapat pendapat-pendapat itu sendiri

---

*Orang-orang kita yang mudah sekali*

*tertarik kepada apa juu yang ada  
di Mesir. Di Mesir menurut kata Tuan  
HAMKA, kebudayaannya telah runtuh  
dan kekuasaan Azhar itu hanya  
tertinggal di dalam lingkungan  
Azhar sahaja lagi sedang umatnya  
telah terpangaruh oleh tamadun  
kehidupan Barat – nama sahaja  
Islam tetapi hakikatnya kebudayaannya  
jauh sekali (yakni di luar Azhar).*

*Daripada apa yang disebut itu*

*sebenarnya – lihatlah gambar ini jika  
dipandang kepada pakaian dan keadaannya sudah terang mengikut tamadun Barat – jauh sekali daripada pakaian secara Islam. Gambar  
menunjukkan ahli-ahli Persekutuan Kaum Ibu Mesir (gambar Muhammad Mastur Zahri Mesir)*



sahaja dengan tidak mengambil dari Islam sebab kita tahu

siapa mereka itu.

Lihatlah dengan saksama tetapi semua peraturan hidup di dunia yang terkemuka pada hari ini telah banyak digariskan menurut asas garisan hidup secara Islam. Peraturan

“Social Security” yang dijalankan di negeri-negeri yang besar hari ini telah dipunyai oleh Islam semenjak awal terbitnya.

Kalau dari jurusan fikiran pula bukan sedikit pendapat-pendapat yang dimegah-megahkan mereka itu jika kita halusi kita dapati fikiran itu telah masuk di kalangan umat Islam sejak

berkurun-kurun. Sungguhpun jiwa berfikir yang siuman telah lama dikenali mereka tetapi hingga sekarang keadaan fikiran mereka untuk sampai kepada hakikat yang benar masih meringkuk-ringkuk yang penuh dengan jatuh dan terjerumus. Jadi pendapat-pendapat yang masuk daripada Islam hanya dapat dihancuri mereka setelah beberapa lama menempuh pencubaan dan silap. Kita adalah menunggu masa golongan itu sedar akan telatahnya yang “aneh” itu dan masa itu terbitlah kelak bahawa semua ajaran Islam akan dipunyai mereka dengan dakwa bahawa mereka yang mencapainya.

Semakin dekat manusia kepada hakikat yang benar semakin

hampir ia kepada ajaran Islam. Tuhan yang Maha Esa telah berfirman “Tidak kamu taksir dalam apa-apa pun di dalam Quran” perkara-perkara ini nyata sekali bagi sesiapa yang memerhatikan kitab-kitab suci itu dengan halus dan membandingkan dengan fikiran yang seribut meliputi dunia hari ini.

Bukan sahaja dalam rohani Islam telah sampai kepada hakikat yang benar bahkan juga di dalam soal kebendaan yang pada hari ini memusingkan kepala dunia. Dan bukan hanya dalam perkara rohani orang-orang yang bukan Islam itu telah terhanyut jauh dari hakikat kebenaran tetapi juga dalam cara hidup yang bererti susunan kebendaan yang telah mereka capai mereka itu telah kecewa

besar. Tetapi yang sudah tertentu bahawa mereka,

menilik kepada usaha dan kesungguhan mereka,

akan sampai kepada hakikat itu jua lambat bangatnya. Hakikat yang benar dalam hal itu telahpun ada di sisi agama Islam sejak wujudnya.

Oleh sebab itu kita mendapat kesimpulan bahawa Islam masih mempunyai tempat di kalangan hidup dan fikiran manusia hari ini, sebab Islam itulah agama yang benar, Tuhan berfirman (ertinya) “adapun barang yang berguna kepada manusia maka kekallah ia di bumi.”

Dengan menyedari ini, orang-orang Islam patutlah sedar pula bahawa yang menjadi soal-soal itu ialah keadaan mereka sendiri bukannya soal “Islam”. Merekalah yang mesti seajar dengan Islam bukan Islam mesti hanyut bersama mereka. Kita patut malu orang lain telah percaya dan beramal dengan sungguh dengan beberapa pendapat-pendapat hidup yang dibawa Islam sedang kita tercengang, terkejar-kejar ke sana ke sini dan lalai. Kajilah hakikat yang benar itu menerusi Islam, jika kita ingin sampai dengan segera.

*Kitaberiketahuikepadatuantuan-tuanbahawakitabuatzekerjaantabib  
sudah sepuluh tahun manakala di negeri Perak saja kita  
telah berkhidmat selama tiga puluh enam tahun seterusnya  
pula pernah kita menjadi tabib khas di Istana Sultan  
Perak semenjak dari tahun 1929 hingga tahun 1938  
selama sepuluh tahun di Kuala Kangsar dan juga kita mendapat  
ilmu ini mengadapi guru-guru yang mahir dan dikaji dari  
Ilmu Tasyrih al-Amarad dan Ilmu Nabatat dan  
bukan kita dapat dari mimpi-mimpi di dalam  
tidur. (1) tuan-tuanyangmengenai penyakit silalah datang periksapenyakit iada apa-  
apa bayaran (2) Jikalau tuan-tuan tidak dapat datang pintailah form periksapenyakit, kita  
boleh kirimnya percuma. (3) Ubat beranak enam macam wakaf sampai empat puluh  
empat hari tiada apa-apa pantang tiada payah berdiang atau bersali harganya \$ 15/ bersih  
belanja pos.*



*Yang benar:-  
Tabib Ahmad Jalil Mubir - 49 Lahat Road  
Ipoh, Perak*